



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 243. 244. De bonis traditis in villis Hrietrun, Disaldeshusen et Asthem in pagis Itergowe, Suilbergi et Wetereiba.

**urn:nbn:de:hbz:466:1-36114**

cum uxore et liberis testef *adabric* ofsuuard *bucco* (X) folculf ubbo brunhard raduuard et terfilo.

gubernante  
Corbeiam  
Adalgario.

## §. 243.

Tradidit theodhardus pro anima patris et fratris sui quidquid possederat in *brietbrun* (Y) testef folchridus theodmarus sicutgerus asculf ofsuuardus uuulfgerus dudo item dudo fihardus thiaduuerus thiadricus.

## §. 244.

Tradidit hildibold in *disaldeshusen* (Z) iurnales quinque. Tradidit magengod quidquid possederat in *asthem* (a) testef raduuard offo fini Liudman.

## §. 245.

- (X) *Bucconis* nomen inter Saxones nostros vsitatum hic deprehendimus, quod obseruandum est contra eruditissimum Dn. C. Abelium, qui in *Antiquit. Saxonica* Part. III p. 700 contra illustris D. Ioh. Gottl. Kraufii, olim Prof. Histor. P. P. Wittebergensis, *dissertationem de Theodorico Bucizo eiusque genere et patria*, negat, *Bucconis* nomen in Saxonia nostra fuisse in vlu. Abelius simul perhibet, nomen istud fuisse Alemannicum et Bauaricum, ac Saxonibus nostris tam incognitum, vt vetulae nostrae e Buccone, episcopo Halberstadensi, vaccam fabricauerint, canentes, *Muhkob von Halverstad* etc. Quemadmodum vero idem Abelius l. c. praeterea perperam contendit, nomen Burchardi fuisse Franconicum et in Saxonia nostra inusitatum, siquidem in hisce Traditionibus deprehendimus §§. 282. 306. 323. et 326. Borchardos, quorum vnus ad annum 865 comes fuit per pagum Dreini, et ad annum 862 per pagos Grainga et Hrecwiti; ita idem Abelius l. c. p. 706. rectissime pronunciauit, in veteribus genealogiis et documentis multa nomina occurrere, quae neque sibi neque D. Kraufio neque D. Eccardo cognita fuerint. Id ipsum haec traditiones passim demonstrant. An vero noster *Bucco* sit Burchardus, qui infra (§. 282) in vicis Brack et Asche quaedam Corbeiensibus donauit, id est sic comparatum, vt in medio relinquamus.
- (Y) *Hrietbrun* villa erat, testante nostro Registro, in pago *Itergo*. Vicum ergo *Raderen* in principatus Waldeccensis praefectura Lichtenfels designari, iudicamus. Pertinuisse itaque *Theodbardum* ad stemma Widekindum, probabile est, siue ille Buniconis II siue Riedagi I filius fuerit.
- (Z) *Disaldeshusen* villam fuisse in pago *Suilbergi*, discimus e nostro Registro. Vicus itaque *Dassensen* indicatur, situs in comitatu Dasseliensi. Haec est ea villa, in qua supra (§. 235) *Suitbard* pro anima *Marewardi* aliquid dicitur tradidisse. *Hildiboldum* ergo fratrem fuisse *Suitbardi* ac *Marewardi*, suspicari sumus supra §. 104. not. (1) vbi retulimus vtrumque ad familiam Dasseliensem.
- (a) Villa *Asthem* inseritur in Registro nostro pago *Wetereiba*. Hunc pagum a fluuio Wetter, qui oritur haud procul a Laubach et Wetterfeld in comitatu Solmensi, atque ad Assenheim insluit Niddam, nomen accepisse, sentiunt eruditi. Olim incolae huius pagi appellabantur *Wedreui*, vti patet e quadam epistola Papae Gregorii II, quam ipse circiter anno 724 exarauit, vsus hac inscriptione: *Gregorius Papa vniuersis optimatibus et populo prouinciarum Germaniae, Thuringiae et Hessiae, Bortharis, Nistrefis, WEDREVIS, et Lognair, Suduofis et Grabfeldis vel omnibus in orientali plaga constitutis*. Tribuuntur huic pago *Wetereiba* in documentis veterum haec villae: *Bingenheim, Bonlant, Ebecila, Lintheim, Muggenstat, Orbaba, Quetbrun, Rotenbach, Ruomothusen, Salzaba, Udenhusen, Wanolfeshusen* aliaeque, quibus haec traditiones addunt *Asthem* villam; quae vel *Ostheim* est haud procul ab oppido Butzbach sita, in ditione serenissimi Landgrauii Hassio-Darmistadini adquefescens, vel supra nominatus locus *Assenheim*, ad fluuium dictum die Nidda positus. Iam porro quaeritur, cuiusnam stirpis fuerit *Magengodus*, qui bona sua, ad villam *Asthem* sita, abbatiae nostrae donauit. Quamuis enim ille in traditione

De nomine Bucco

De villa Hrietrun in pago Itergo-we.

De villa Disaldeshusen in pago Suilbergi.

De villa Asthem in pago Wetereiba.